

01 恐怖的雞籠蜂

許嘉勇
彼日透早，天時誠好，阮規家伙做陣去到內山斗底的一間渡假村。因為六月天火燒埔，下晡時阮就攏守仔室內的游泳池耍水。耍規下晡久，到甲五點外，阿母就喊阮逐家緊起來洗身軀，因為準備欲來去食暗頓囉！

阿爸爸先共猶咧讀幼稚園的小妹洗，我褪裼倚竚邊頭¹聽候。雄雄，我大腿後肚感覺撲撲，伸手去抓，寢頭仔摸著的時，想講是狗蟻爬起來我的身軀頂，越過頭斟酌一下看，哎喲喂！竟然是隻蜂停仔我的大腿咧行動，我掣一趨，喝一聲「啊！」誠大聲，隨共伊斛開，阿爸聽著我的聲說就喝講：「按怎？」我對喙應講：「我去予蜂叮著囉！」

彼隻蜂仔我的面頭前飛過來閤飛過去，我嘛閃過來這爿閤閃過去彼頭，阿爸蓮苞頭²擰咧，用水一直共伊濺，隨閤用蓮苞頭共伊損甲死翹翹。斯當時，拍算是蜂毒開始起磅囉，我的大腿煞開始疼甲搘袂牢，害我一直喝！足疼的、足疼的。」哀甲大細聲。阿爸緊用浴巾共我慢咧，抱出來外口坐，規游泳池的人客嘛攏驚甲四散去，走甲無地看。後來，飯店的工作人員先共我抹寡 à-móo-ní-à，毋過我猶原是疼甲一直吼，經理緊駛車載我倂阿爸去病院掛急診。路裡，阮母仔共彼隻蜂的相片傳予阮阿爸。伊上綱一

下查，講應該是「烏腹虎頭蜂」。

去到病院了後，阿爸點相片予醫師看，醫師一下看隨講：「烏腹虎頭蜂！」一必一中，對對去予阿爸臆著。先生先提冰角予我焐咧，才閤共我抹消炎止疼的藥仔，講若無過敏的反應就較無要緊，毋過抗過敏的藥仔一定愛食，驚過敏反應的症頭會閤夯起來。

阿爸後來共我講，這號蜂山由苦難籠籠的「雞籠蜂」，聽講是咱臺灣上危險的虎頭蜂，新聞不時都咧報講有人去予雞籠蜂叮著，煞做仙去的都有！好得佳哉，轉來了後我攏好勢好勢，無任何的症頭。這遍真正是佛祖有保庇，萬不二若引起過敏性的休克，去予閻羅王招去做困婿，彼就袂直囉！

¹邊頭(pinn--thâu)

²蓮苞(poô)頭

02 阿公的菜栽仔場

王善 「阿孫，緊去攢紙箱仔予頭家貯！」這是我自細漢定聽著阿媽共我講的話。

阿公俗阿媽仔大園仔經營菜栽仔場，個的菜栽品質是桃園上好的，母但厝邊頭尾的作檣人會來買，甚至上遠閭有對金山、高雄來的人來遮割貨。莫看阿公按呢誠認種菜，其實伊少年的時毋是作田的，較早伊是一個裝潢木工師傅，後來才改去種稻仔，閤捌著過接秧仔比賽的第一名呢！尾仔伊仔厝隔壁開一間裁仔場，閤家已發明一套自動沃水的機器。經過幾若年的用心拍拚，菜栽仔場才沓沓仔變甲「頂港有名聲，下港上出名」。

自細漢，若拄著歌熱，我攏會轉去阿公的菜栽仔場門賣菜栽。逐年賣的菜栽攏無全款，熱天的時陣有小玉仔西瓜、烏美人西瓜，閤有幾若種菜瓜、冬瓜俗苦瓜；秋天是賣高麗菜、萬仔菜、芥藍仔俗青花。阿媽會炁我去田裡，一項一項講予我知。予阿媽「上課」了後，紓落來我就會變做上精光的推銷員，逐工天拍啞仔光就精神，準備共濟濟的人客門貯財。我會記得有一位臺北來的阿伯，逐擺攏講我又閤大漢矣，閤講我愈來愈緣投。雖然毋知影伊到底是講誠實的抑是咧褒嚟爾，細漢的時若看著伊，攏感覺伊

談諧閤親切，嘛足興哈伊開講。

除了賣菜栽以外，佇歇睏的時陣，我嘛誠愛仔場附近騎跤踏車，閤仔園莽莽的草仔埔走來走去。阿公的菜栽仔場就仔桃園機場邊仔，所以我這個走跳固定定佇咧草仔埔逐飛行機，希望有一工會當像飛行機全款，飛到足懸足遠的所在，共這個世界看予透。除了這以外，嘛有一寡難忘的恐怖記持。有一擺我騎跤踏車去附近的土地公廟踅咧，煞挂著野狗共我逐，我只好從去廟隔壁的姨媽個兜喝救命。後來是姨媽用柴枋仔共彼隻狗仔嚇驚予走去，我才會當安全轉到菜栽仔場。

毋過，菜栽仔場的彼塊地咧欲予政府徵收去起機場矣。時間一工一工過，曆日的紙一張一張拆，希望仔厝日拆了彼時，菜栽仔場會當繼續留仔阮心內。

03 多謝恁

韓滿¹

老師呵佬甲，講逐家攏是作家，畢業的時，每一個人攏會當提逐家做伙做的尪仔冊，俗家己創作獨一無二的紀念冊轉去。

有人感謝天感謝地、感謝老母恰老爸；有人感謝老師的牽教、感謝同學的陪伴。阿若我咧？

國小六年的時，老師叫阮每一个人做一本家己的畢業紀念冊，愛共國校的生活寫落來，逐家聽甲霧嘵嘵嘵。往遇紀念冊攏嘛予翕相館做的，逐家恰同學翕幾張仔相片就好，今年是按怎愛家己做？老師講：「今年逐个人攏愛加做一本獨一無二的紀念冊。」

門陣六冬，死忠兼換帖的好朋友攏欲分開矣，阮想著過去的種種，就緊共寫落來，寫了閣再改、畫了閣再樹。會記得有一冬我出車禍蹣跚院，老師掂蘋果來病院看我，伊共我惜閣講：「你愛堅強、愛保重，逐家攏咧等你喔！」

有一擺老師去開會，教室予人關甲暗眠摸，老師轉來的時，雄雄門開開、電火光矣，足大聲的生日快樂歌恰嘆仔聲害老師掣一趨，紕落來逐家共老師攬牢牢，予老師生日彼工歡喜甲目屎四淋垂。

這幾冬來，全班嘛有真嫡的記持，值得一世人留念。阮做伙演戲、做伙答喙鼓，參加籃球、跤球恰野球的比賽。老師定定講成熟能通驕傲、失敗袂使餒志。阮閑分工，做伙寫作、畫圖、錄音，全班共同完成一本足心適的尪仔冊。

¹韓滿(Buán)

想著咧欲畢業，逐家毋甘分開，學牛郎、織女共七月初七定做同窗會的日子。看著校園的鳳凰花，我佇紀念冊畫一幅圖閣寫一首詩！花瓣飛甲滿四界，蟬仔叫甲頭犁犁。約束七夕同窗會，想著袂睂到五更。」彼暗，我真正目睂金金到天光喔。

老師講：「毋管冊讀了好抑穠，毋管錢趁了濟抑少，在莊馬嘛有一步踢，一枝草一點露、天無絕人之路。後擺逐家全款愛做一个好品行的人，只要揣出家己的興趣，好好仔學幾項仔工夫，認真指拚、一步一跤印，行行攏嘛會出狀元。」

感謝爸母共阮冕，感謝老師恰同學的陪伴，予阮脫離病疼，行過國小的歡喜恰鹹酸苦澀。多謝恁！

04 一擺上有意義的活動

柯淑慧

「恁捌聽過募集發票無？」同學猶猶無摠，老師就繼落去講，欲利用學期尾上課的時間做公益活動的想法。

挂開始，老師放一段影片予全班看，我看著一寡仔目賙柴柴倒佇眠床頂袂振袂動的人。老師講這號做「植物人」，因為厝裡無法度照顧個，姑不而將才送來遮。老師講：「創世基金會是義務照顧植物人的單位，因為照顧病人的開銷真大，基金會定欠所費，咱來想看會使按怎共鬥相共？」同學嗤嗤開始參詳，有人講欲捐錢、有人講欲做義工照顧病人。逐家講甲當熱的時，老師提幾若跤紙箱仔出來，講：「行！咱來去外口鼓勵民眾共發票捐予基金會，若是著獎金就會當增加個的經費。」就按呢阮四、五個人一組，紙箱仔提咧趕緊綴老師行出去。

阮這組先行到一間麪店的門跤口，看人客出出入入，生理敢若袂穩，阮拍算待佇門跤口試看覓。過一眼仔，就有人客對店內行出來，阮煞掠來揀去，毋敢開喙共人姑情，待半晡無人插阮。想想咧，捐一跤箱仔慧懶待跔躊躇毋是辦法，抑無，我來大聲喝拜託好矣！

「拜託！拜託！請逐家共發票捐出來，做好代，同齊來。」同學看我喝甲遮大聲隨綴咧同齊喝。一位阿桑聽著

就行倚來面頭前，那對橐袋仔擰幾若張皺襞的發票出來那講：「因仔兄、因仔姊，恁誠乖哩！來，我遮有一寡仔發票攏予恁。」繼手共發票擲入去紙箱仔內底，阮歡喜一直頸頭說多謝。

第二站行到便利商店的門跤口，佇鬱熱的六月倚跔外口喝甲喙焦喉渴、流汗流滂，其實不止仔忝頭，毋過看著過路人共發票捐出來的時，阮的辛苦早就袂記得矣！活動結束，想袂到阮班佇短短的時間就收著六十外張發票。老師呵咤逐家：「勸人做好代，較贏食早齋！咱這班的學生是上有愛心的。」原來做好代是遮爾有成就感的代誌！這個活動實在誠有意義，我毋但學著智識嘛會曉做功德，以後我會繼續做好代，共愛心濃去全世界。